

vel depurati a. q. v. v. g. libram semis: præstat etiam, ad maiorem prouentum, sal esse humidiusculum. Mixta indantur retortæ vitreæ, & igne arenæ destillentur l. a. ad siccitatem omnimodam, in recipiens capacius. Ita acquiritur spiritus vrinosus egregius, leuibus etiam hastulis parieti recipientis se affigentibus, filtrandus hinc & asseruandus.

Vtut enim debeatur, per dicta, si non vnice, maximam tamen partem, sali vrinæ, partim alumini prius parando affusæ, partim domestico eidem, ab acido eiusdem constrictiuo quasi fixato; satis tamen insignis est, aperitiuus, diureticus, antiarthriticus, in affectu hypochondriaco, hydrope, vitiis vrinæ, ac seri coagulis aliis, tartarum per debitas vias expediens, quo de vid. Ludou. tr. de sale Tartar. vol.

Dari potest per se, ad guttas x. xx. xxx. tum commiscendus aliis, v. g. cum anima rhabarbari, vt & spiritus salis ammon. ipse. Eodem ipso etiam vti possumus pro infringendo spiritu salis, vt exin, accedente tintura a sandalo rubro, vel torna solis potius, acquiratur tintura aperitiua Mœbii. Hæc enim nihil aliud est, quam spiritus salis refractus alcalicis, accedente tintura extranea indemni, ad guttas v. vj. x. xij. in variis hypochondriorum affectibus, inprimis calidis.

*Spiritus Salis tartari volatilis vrinosus per fermentationem.*

De altero vero modo per fermentationem, videri potest partim Langelottus, epistola peculiari, ex tartaro eiusque sale s. q. per V. VI. septimanas in vase querno loco calido reposito & confermentato; partim Thile disput. de Sale Tartari volatili. Vti enim certum est, tartarum pollere tali sale volatili, reliquis immerso particulis acido-alcalicis oleofis, & ex ipsis fecibus vini exsiccatis hoc omnino destillari & obtineri posse; (modo non vermiculi bonam partem de suo conferant) ita via humida nostro more id fit commode:

E. Tartari crudi puluerisati, Salis eiusdem v. g. a. libram vnam, fecum vini mensuram j. ij. vel iij. Mixta stent, per aliquod tempus, ad reclusionem & fermentationem, hinc destilletur spiritus vrinosus.